

Script of Morning Gojri News Bulletin 17 November 2024 at 1015Hrs

ما رنینگ گو جری نیو ز بلیٹن مو رخہ 17 نومبر 2024

یوہ آکا شوانی جموں ہے محمد امین انجم تیں خبر سُنو۔

PM Nigeria

وزیر اعظم نریندر مودی اُج نا ئجیریا غا صدر بولا احمد تنوبو نال ابوجا مانہ گل بات کریں گا۔ جناب مودی نا ئجیریا غا 2 روزہ دورہ غا سلسلہ مانہ گئی رات ابوجا پُجیا۔ پچھلا 17 بہراں مانہ کسے بھارتی وزیر اعظم غو یوہ پہلو نا ئجیریا دورو ہے۔ وزیر اعظم مودی تے صدر تنوبو دوہاں مُلکاں بشکا ر حکمت عملی حصے داری غو جائزو لیں گا۔ نالے دو طرفہ تعلقات بور بدھان واسطے طریقہ ور تبادلہ خیال کریں گا۔ دسیو گیو ہے جے گل بات تیں بعد کئیں مفاہمت ناماں ور دستخط وی کیا جائیں گا۔ وزیر اعظم نریندر مودی نا ئجیریا مانہ رہ رہیا بھارتی لوکاں غا اک اجتماع نال خطاب وی کریں گا۔ اس سلسلہ مانہ وزیر اعظم مودی پلک جی 20 سربراہ اجلاس مانہ شرکت غا مقصد نال 2 روزہ دورہ ور برازیل جائیں گا۔ پروگرام غے دوران وزیر اعظم مودی بکھ بکھ عالمی مسائل غا سلسلہ مانہ بھارت غو بدف پیش کریں گا۔ اُمید کی جا رہی ہے جے وزیر اعظم نریندر مودی جی 20 سربراہ اجلاس غا حاشیہ ور کئیں لیڈراں سنگ ملاقات وی کریں گا۔ دورہ غا آخری مرحلہ مانہ وزیر اعظم 19 تیں 21 نومبر بشکا ر گیا نہ غو دورو کریں گا۔

PM Ek Ped Maa K Nam

وزیر اعظم نریندر مودی نے اُن تمام غو شکریہ ادا کیو، جنہاں نے ”ایک پیڑ ماں کے نام“ نانہ رفتار دی۔ اک سوشل میڈیا پوسٹ مانہ جناب مودی نے ہر لوکاں نانہ کہیو جے ویں ماں غی عزت مانہ اک بوٹو لا ویں۔

LG Panchyat Poll

لیفٹنٹ گو رنر منوج سنہا نے کہیو ہے جے پنچایت تے شہری مقامی اداراں غا چناؤ جلدی ویں گا۔ جموں شہر غا نزدیکی علاقہ مانہہ جھڑی میلہ مانہہ بابا جتو نانہہ نمسکار کرن تیں بعد جناب سنہا اپنا خیالات غو اظہا ر کر رہیا تھا۔ موصوف نے بے کہر ہوا گُنباں اور محروم دھڑاں غا حقوق غا تحفظ با رے اپنو عزم دُہرایو۔

Farooq Abdullah

نیشنل کا نفرنس گا صدر ڈاکٹر فاروق عبداللہ نے کہیو ہے جے جموں کشمیر بھارت غو لازمی حصو رہ گو۔ ویں با ریں اپنا خیالات غو اظہا ر کرتاں واں کہہ رہیا تھا، جے جھیڑا لوک غیر منطقی مطالبات کریں اُن تیں بچنو چاہیے۔ کیونجے ایسا لوک زمینی سطح غی حقیقت تیں نا واقف ہیں۔ سینئر سیا ستدان کل جموں مانہہ اک نجی تقریب غا حاشیہ ور اخباری نمائنداں نال گل کر رہیا تھا۔ نیشنل کا نفرنس غا لیڈر نے کہیو ہے کُجھ لوک بیرون مُلک رہیں اور ویں مُلک دشمن سرگرمیاں غی میزبانی کریں، غلط سوچ غا شکار ہیں۔ کیونجے جموں کشمیر بھارت غو اک حصو ہے اور رہ گو۔

Dy CM Panchari

نا ئب وزیر اعلیٰ سُریندر کمار چودھری نے کل ضلع اُدھم پور غا دور دراز علاقاں پنچیری تے مونگری غو دورو لایو تے اُت پر دھان منتری گرام سڑک یوجنا پی ایم جی ایس وائی تے عوامی کماں کاجاں با رے محکمہ غے تحت ترقیاتی کماں تے بڑا پروجیکٹاں غی پیش رفت غو جائزو لیو۔ دورہ غے دوران سُریندر چودھری نے کیتھ گلی تیں مونگری، مونگری لڈا، اور کیتھ گلی تیں پنچیری جان آلی پی ایم جی ایس وائی سڑک پروجیکٹاں غو معائنو کیو۔ اِن

سڑکاں غی خراب صورتحال ور ناراضگی غو اظہا رکرتاں واں نائب وزیر اعلیٰ نے متعلقہ محکماں نانہہ ہدایت کی جے ویں ویلے سِر کم نانہہ کرن یاہ غیر معیاری کم کرن آلا ٹھیکیداراں نانہہ فہرست سیاہ مانہہ شامل کریں۔ نائب وزیر اعلیٰ نے چل ربیا پروجیکٹاں غا کم غی رفتار تیز کرن نالے ضرورت پین ور دوہری شفٹ اپنان ور زور پایو۔ موصوف نے عوامی نمائندہ اداراں غا سابق ممبراں تے وفود نال وی گل بات کی جنہاں نے کئیں مسائل نائب وزیر اعلیٰ غے باندے رکھیا۔ موصوف نے لوکاں نانہہ یقین دوايو جے اُن غا جائز مطالبات ور پہل غی بنیاد ور غور کیو جائے گو۔

Army

زمینی سطح ور لوکاں سنگ رابطہ مضبوط کرن غا مقصد نال فوج نے کل ضلع راجو ری غا ایڈوانس لینڈینگ گراؤنڈ اے ایل جی مانہہ اک سرپنچ جلسہ غو انعقاد کیو۔ اس موقعہ ور کئیں مسائل ور تبادلہ خیال کیو جن مانہہ اقلیتی علاقہ غی سلامتی تے اُن غی با اختیاری شامل ہے۔ جلسہ مانہہ سرپنچاں نے وی اپنا اپنا خیالات غو اظہا رکیو۔

Hockey

باکی غا سلسلہ مانہہ خواتین غی ایشین چمپئن ٹرافی 2024 با رے گروپ اسٹیج غا حتمی مقابلہ مانہہ بھارت تے جاپان بشکا ر مقابلو وے گو۔ یوہ میچ 4 بج غے 45 منٹ ور شروع وے گو۔

اس غے نال ہی خبراں غو یوہ بلیٹن ختم ہوؤ۔